

忻州直隸州志

定生題



忻州志卷三十五

知忻州直隸州事方戊昌編輯

列女上

淑德

貞烈

孝婦

孝女

節孝

北漢

劉氏名娥字麗華漢主劉聰后太保殷女也幼而聰慧
晝營女工夜誦書籍傳母恆止之娥敦習彌厲每與
諸兄論經義理趣超遠諸兄深以歎伏性孝友善風
儀進止聰既立召爲右貴嬪甚寵之俄拜爲后將起
鷄儀殿以居之其廷尉陳元達切諫聰大怒將斬之
娥時在後堂密勅左右停刑手疏上言今宮室已備

忻州志

卷三十五

淑德

一

無煩更營四海未壹宜愛民力廷尉之言社稷之福
也陛下宜加封賞而更誅之四海謂陛下何如哉夫
忠臣進諫者固不顧其身也而人主拒諫者亦不顧
其身也陛下爲妾營殿而殺諫臣使忠良結舌者由
妾遠近怨怒者由妾公私困弊者由妾社稷阽危者
由妾天下之罪皆萃於妾妾何以當之妾觀自古敗
國喪家未始不由婦人心常疾之不意今日身自爲
之使後世視妾猶妾之視昔人也妾誠無面目復奉
巾櫛願賜死此堂以塞陛下之過聰覽之色變謂其
羣下曰朕比得風疾喜怒過常元達忠臣也朕甚愧

之以娥表示元達曰外輔如公內輔如后朕無憂矣
及娥卒諡宣武皇后其姊英字麗芳亦聰敏涉學而
文詞機變曉達政事過於娥初與娥同召拜左貴嬪
尋卒追諡武德皇后

金

元氏好問妹爲女冠文而豔張平章當揆欲娶之使人
屬好問辭以可否在妹張喜自往訪之覘其所向至
則方自手補天花板輟而迎之張詢近日所作應聲
答曰補天手段暫施張不許纖塵落畫堂寄語新來
雙燕子移巢別處覓雕梁張悚然而出

忻州志

卷三十五

淑德

一一

明

貞髦君陳氏明經傅離垢先生之室徵君山之母也孝
謹著聞鄉里尤以節操教子徵君以事牽連被逮門
人議申救貞髦君曰道人兒應有今日事死亦分不
必救也其卓識類如此徵君之友採其行與年曰貞
髦君容城夏峯孫氏有傳載藝文

國朝

貞女故郡都董儒林之女許字匡村李克顯之子嵩未
于歸嵩病故女年十七哀痛情切憫孀姑之無依遂
詣李門恪循婦道於是者五年以疾卒病革時猶以

未獲終養爲憾乾隆九年請 旌入祠建坊

貞女麻會鎮馬大文之聘妻曹氏大文久客將謀歸娶其翁先延女歸以待女入門孝養惟謹越二年得大文凶問矢志彌堅代供子職歷三十餘年始終不懈有傳載藝文

貞女韓嚴村王劭之女幼字同里張熠年十七未婚而天氏年甫十五矢志守貞時氏父已卒請命於母母憐之而不能奪也乃以禮歸於張事舅姑盡婦道撫訓嗣子正直成立同治元年請 旌時守貞四十七年矣

忻州志

卷三十五

貞女

三

明

烈女楊村都馮世禮之女小錢兒世禮前妻張氏出族鄰馮汝楠窺其獨居強欲污之錢兒喊叫不從繼母趙氏回楠逸去世禮受賄秘其事錢兒憤恨自毒死烈女白村都許文諒之女東子文諒妻武氏與張萬錢有私因欲併污東子東子喊叫錢遁去武問之知爲錢也愧憤自縊東子痛母憾錢搥胸數日而死烈女韓嚴都前明典膳官任繼增之女大兒時韃鞞內侵雁門一帶被擾一日女偕母李氏操作室中賊衆突至家人竄逸女匿他室李懼辱投井賊見其溺哄

然去大兒坐井上一晝夜哭不絕聲次日賊復來脅大兒去大兒大罵不屈偪以刃不懼也旣而收涕曰欲我去無難能拯我母屍出當如所命賊喜謀所以出之遂疎其防後李屍旣出大兒乘不意亦投井死大兒以閨閣弱質乃能於危迫之中從容計出萬全其烈固足不朽其智亦不可及順治年間請旌

國朝

烈女李氏適高堡村趙氏趙父行惡因戕人抵罪氏之許字趙也乃趙父未獲罪以前初不知其若是之無行也後氏于歸趙不能改行氏每涕泣勸戒終不悛

忻州志

卷三十五

烈女

四

一日又以不義物示氏氏恨曰是終不悔也吾不忍見其及於禍遂自刎死年十九歲嗚呼夫以鄉曲女子初不聞道義知以奸名犯義爲大戒乃遇人不淑無術感悟計惟一死自絕其志不大可憫耶氏格於例不能旌故詳載顛末以備後之觀覽云爾

明

烈婦水馬都張梧之妻趙氏因探夫妹行經山溝張玉寶欲污之氏力拒破寶頰村民張虎至寶走氏欲死其門衆勸之歸次日黎明仍至寶家投崖而死經獎烈婦滋陽知縣郝芳聲之妻梁氏崇禎十五年滋陽城

陷芳聲仗節死氏亦同殉

烈婦定遠將軍張宏業之妻趙氏封淑人崇禎甲申太原城陷氏知定遠必死驅侍婢女孫八人悉投井塞不能容投繯死

烈婦韓嚴都前明典膳官任繼增之妻李氏時韃靼內侵雁門一帶被擾一日氏與女大兒操作室中賊衆突至家人駭竄氏懼辱遂投井死順治年間請旌

國朝

烈婦州民周 之妻王氏順治六年姜逆亂氏偕衆逃避爲賊所獲氏徐徐從行給至溝邊投崖死

忻州志

卷三十五

烈婦

五

烈婦芝郡都董狀之妻侯氏于歸數年無子狀病謂氏曰我死後爾必另覓所天氏云脫不諱我當先死以絕君念後疾革氏果入幽室自縊時年三十未幾狀卒合葬於祖塋之側里人楊玉樹作詩以弔之曰牧河有冰深而且清何以似之侯女之貞舟山有雪白而且潔何以似之侯女之節嗚咄哉維雪有消侯女之烈千古爲昭維冰有泮侯女之心千古不變

烈婦西西都李繼先之妻侯氏刁民王儀謀姦不遂遂污巖之鳴於官儀堅持其誣氏不能白因當堂自刎頸死今墓在城南下社道巡撫某公題碑烈婦侯氏

之墓

烈婦北遠關都生員米貯之妻楊氏年十九夫故子纔周歲翦髮停棺以示必死後子年七歲就師讀書卽辭舅姑從容就義尤爲人所難及

烈婦郝茂才之妻孫氏年二十一姑早喪遺三子皆幼賴氏撫養時茂才傭工於外病故柩歸氏卽自縊

烈婦郝昂之妻陳氏年二十歲家貧昂傭工於外病故柩歸哭拜畢入室自縊

烈婦武舉蔚楹齡之妻李氏夫歿姑老忍死奉姑姑卒殞殮畢寄孤兒於母家投繯死子煒成立亦登武科

忻州志

卷三十五

烈婦

六

烈婦紫巖村王運中之妻李氏十八歲于歸越三月夫出外料理廩業旋病歿柩歸里氏向姑言曰柩停止室宜東偏西尙有待也姑以其言異遣小女伴之是夜女睡熟氏乘間縊於柩側時嘉慶十年也光緒六年請旌

烈婦鴉兒坑李可觀之妻李氏可觀家貧因廢讀學費從鄉人至甘肅肅州營什一之利歲時寄貲爲其父母甘旨之奉氏親操井臼事舅姑惟謹歷七年如一日嗣可觀省親將歸行至中途病歿偕行者爲之具棺殮攜櫬而歸時適氏歸甯舅姑使人召之戒勿言

恐其猝聞不任驚悸既歸見柩失色驚問誰何舅姑
愴然應之氏投地涕泣隨起掩泣多方慰勸以解舅
姑之痛及夕伏牀歔歔淚涔涔不敢出聲惟恐舅姑
聞也所親勸之曰夫雖死汝年少艾又無子女家計
蕭然尚可從容別計宜自愛勿過悲戚氏拂然曰爾
言豈人也哉愈泣不可仰所親復謂之曰志則善亦
宜珍重以慰生者毋過爲死者悲也氏曰悲死者乎
行將聚矣吾何悲吾悲生者之無以爲養也淚零終
夜次日晡時舅姑呼至使食氏婉言謝之拜伏如平
日拜已慘然曰婦不孝不獲終事舅姑須臾將死耳

因指衰經曰勿易此以殮舅姑聞其言異視其狀若
不勝痛楚亟詢之不對再三詰問始云已服毒逾時
矣舅姑謀所以解救之藥未至氏已冥然逝矣時年
二十四歲洪洞王椅爲傳烈婦事頗詳嗚呼烈婦可
謂勇於赴義矣光緒六年請 旌

烈婦焦家莊楊純陽之妻董氏年二十五無子純陽病
劇勸立族人子月朗爲嗣及故自經以殉光緒五年
請 旌

烈婦雙白留都郭懷南之妻張氏定襄生員士俊女也
年十八于歸孝翁姑和妯娌內外無間言越年餘懷

南卧病飲食藥餌無微不至衣不解帶者凡數月及
懷南歿號泣不欲生三日不食家人強勸之始稍稍
食飲每靜室獨坐令人與伴不許月餘自盡嗚呼烈
婦早誓以必死所以不及死者恐爲家人所覺防閑
無隙耳遲至月餘從容以殉其用心亦苦矣光緒六
年請 旌

烈婦庠生石和鈞之繼妻史氏年十九歸和鈞撫前室
子如已出二十一歲夫故誓以身殉以遺孤尙幼隱
忍者數年至二十八歲子稍長矣氏食粉死

烈婦金村都段從善之妻侯氏年十九于歸二十二歲

忻州志

卷三十五

烈婦

八

夫故翁姑已逝又無子憂鬱不食五日而卒光緒六
年請 旌

烈婦鵠索村趙永凝之妻李氏年十六于歸越四載永
凝病歿氏痛夫情切遂絕食誓以死殉翁以子卒促
僕走告氏母家並告媳故氏母來弔兼詢女女不答
惟嗚嗚泣問之再三女對曰兒非不欲生也恐生終
不能爲亡夫妻耳且婦人從人者也夫死無子伊誰
從惟速死從夫地下作趙氏鬼足矣願母歸語父今
而後毋念兒也母聞言悲極轉喜壯之曰汝能如此
吾壻爲不死矣姑聞言哭失聲勸慰使食氏終不肯

但諄諄以不獲終事爲憾越三日竟以絕粒殉後永
凝五日年二十蓋嘉慶十六年事光緒六年請 旌
烈婦董村張瑚之妻郝氏于歸二載夫疾卒氏不勝悲
痛翁姑皆嗚咽失聲氏反曲慰之曰若雖死尙有弟
在勿以彼之故而重傷兩親心也又謂夫弟曰善事
翁姑若余之薄命恐不能久矣三日營弔事旣畢氏
歸寢室竊懷刃至柩前是時弔客方散家人擾攘間
姑入柩所見氏踞坐伸首於前一手持刃一手摳衣
血流滿地姑大驚曰爾胡爲若此急呼衆至欲爲醫
治氏從容言曰毋庸人皆樂生我樂死也急奔告其

忻州志

卷三十五

烈婦

九

母母至詢其故氏曰無他吾欲從亡人於地下言已
而絕年二十一歲衆審視所衣喪服內已服殮服雖
縷血淋漓而衣不沾濡殆亦義烈所激若陰有呵護
云同治六年請 旌入祠

烈婦部落都陳高之妻連氏年二十三歲夫故扃門自
縊光緒六年請 旌

烈婦王登賢之妻胡氏夫故涕泣欲自盡人勸以立嗣
氏擇昭穆相當者爲後曰吾事畢矣夫葬之前一日
盥沐嚴妝闔戶自縊遂合葬焉光緒六年請 旌

烈婦張致中繼妻賈氏夫故姑早歿翁遠出口外貿易

氏無子女欲自盡人勸候翁歸越一年翁旋里娶繼室氏閉戶自經翁姑覺之解救得蘇哭謂衆曰未亡人矢志久矣今家事有託吾死無憾矣遂絕粒以殉烈婦郭培垣之妻張氏夫往新疆貿易道光六年回匪煽亂培垣被害死音信杳然越二年夫柩旋里氏撫柩慟哭氣絕移時是夜自縊死與夫合葬

烈婦陳統緒之妾沈氏夫故時方易簣氏撫屍慟哭氣絕復甦囑藐孤於嫡自縊死光緒六年請 旌

烈婦張繼康之妻蕭氏年二十三夫故自縊死

烈婦生員王國選之繼妻羅氏夫故時翁姑俱歿氏矢

忻州志

卷三十五

烈婦

十

志勵節父貿易歸見氏貧困甚勸令改適氏泣曰夫讀書半生不幸早逝豈有詩書之家婦人再醮者乎惟死而已父不聽陰遣人作伐慮難違命密縫衣履自縊死光緒六年請 旌

烈婦賈氏適南高村孫從厚爲妻厚年幼闇懦其姑行賤與所私者豔氏色屢欲誘致之氏不從一日氏歸甯謂母曰姑多行不義脫不測我將以死拒之未幾果遣人促令歸竟以毒楚死鄰里不平報有司詣驗傷痕鱗次有傳載藝文道光二十七年請 旌入祠烈婦董村郝耀光之妻郭氏郭培行之女夫歿後哭泣

二日不食爲夫延嗣夫既殮是夜自縊死

烈婦東南隅都魏輔仁之妻吳氏年三十夫故卽於夫
歿之日服毒自盡光緒六年請 旌

國朝

孝婦本城王鼎隆之妻柴氏隆遠歷兵馬營杳無音信
氏竭力事翁翁病起居輾轉賴氏背負扶掖如是八
年未嘗有懈歿亦盡禮無缺鄉里稱之

孝婦北遼關劉璧之妻陳氏璧因家貧貿易他所時翁
年老卧病氏晝夜扶持三載無倦里人以孝稱之

孝婦郝光科之妻王氏事翁姑能得歡心里黨稱其孝

忻州志

卷三十五

烈婦

十一

孝婦北胡村銀在典之妻侯氏典家貧氏事翁姑有禮
性柔順勤儉自持姑以此甚憐愛之典貿易他鄉數
年始一歸氏居恆自食糟糠以甘旨奉翁姑姑病默
禱於神願以身代後姑歿家事悉氏經紀翁晚年昏
眊飢飽寒煖皆不自知氏窺神色調護惟謹氏嘗不
育勸夫納妾生子女各二妾性粗獷氏處之未嘗聞
勃溪聲子女親近嫡母逾於所生光緒六年請 旌
孝婦樊家野場村彭萬山之妻董氏生員董正域之女
也年十七于歸未幾翁歿家驟落萬山貿易塞外姑
衰老多病侍養惟謹兼育夫弟妹備極劬勞初氏嫁

時妝匳豐腆典質悉空無難色後姑歿氏亦旋卒光

緒六年請 旌

孝婦王仁昇之妻張氏于歸四載仁昇削髮遁跡不返
氏孝養不衰翁姑病浣滌廁穢歿亦盡禮撫夫弟及
子皆成立子娶張氏亦以賢淑稱光緒六年請 旌
孝婦郝上林之妻劉氏上林賈豐府氏事舅姑盡禮子
不育勸夫納妾者再俱無出以姪憲爲嗣人稱其賢
孝婦部落都崔維屏之妻劉氏姑歿事翁克盡婦職翁
年六十餘卽卧病朝夕潔致豐腆二十餘年翁若忘
其篤老沈疴皆氏之力也光緒六年請 旌

忻州志

卷三十五

孝婦

十一

孝婦賈壘之妻王氏事衰翁盡孝光緒六年請 旌

孝婦故郡村董筆之妻劉氏姑歿事舅不懈舅得疾委

曲調護奉養十八年無難色里人稱其孝

孝婦郝堯威之妻張氏事舅姑盡孝光緒六年請 旌

金

孝女阿秀好問第三女興定己卯生於登封年十三隨
好問在南陽其母張病歿孝女日夜哭泣哀痛之聲
人不忍聞明年得疾於汴梁病已急哭且不止或以
爲言親一也母亡而父存汝不幸而死爲棄父矣曰
女從母爲順甯從母死耳竟以開興壬辰三月朔死

死之二日權厝報恩寺好問銘曰失乳而啼襁褓之
常知所以悲非乳可忘木病本根枝葉乃傷愛生於
心血出肺腸母在與在母亡與亡孝女之哀千載涕
滂白水南東維母之藏羈魂搖搖望女大梁會以汝
歸以慰所望

國朝

孝女趙寶之女名蓮原籍五臺寓居明望里遂爲忻人
母梁氏蓮三歲母卒依父又云十
二歲稍長與兄編織爲
業恆苦不給且行乞焉逾數年蓮兄亦病卒遂父女
相依爲命及笄父爲議婚蓮聞之泣曰父止一女嫁

忻州志

卷三十五

孝女

十二

則隨人父衰病將誰依是有女與無女等也涕泣不
止父以其年尚幼姑暫緩焉嗣蓮二十餘有問名者
輒泣不食父窺其意堅乃止蓮晝夜力作以養父漸
積餘貲易田數畝春耕秋穫習以爲常勸父復娶爲
嗣續計父曰吾衰老何堪再娶又勸父取他人子爲
嗣父曰吾貧誰肯以佳兒付吾會同治三年省南歲
稔有鬻子至忻者蓮出藏金贖爲兄嗣撫育如子又
爲之聘妻躬爲鞠養自是老幼數口皆仰給蓮而蓮
善居積累二十年又購居室父嘗謂人曰吾兒雖女
子勝他男子吾數十年不復行乞於市皆吾女拮据

之力也父年九十餘始卒蓮哀毀數欲絕粒以殉繼
念幼姪中止喪葬皆能如禮時蓮年近五十同治十
一年村人因蓮係異縣無所依倚報蓮應徭役前署
知州高崇基廉得其情給秀容孝女額表其門後朱
學使福基按臨又給北宮遺則四字以榮之光緒六
年請旌

金

元氏名嚴好問次女適盧氏進士楊思敬夫卒遂爲女
冠好問貞燕詩杏梁雙宿復雙飛海國爭教隻影歸
想得秋風漸涼冷謝家兒女亦依依污潔難將一類

忻州志

卷三十五

孝女

十四

推舊家紅綫可無疑豚魚自是詩家語輕擬庭闈恐
未宜蓋爲嚴作也詔爲宮教號浯溪真隱有浯溪集
行世

元

節婦張惟善之母李氏泰定間旌門

明

節婦辛興南都王子智之妻連氏旌門
節婦辛興南都郝文昇之妻郭氏旌門
節婦西南隅都生員劉晏之妻張氏孀居四十年旌門
節婦辛興南都王大興之妻郝氏旌門

節婦生員李思明之妻楊氏旌門

節婦北趙都葛志貞之妻田氏旌門

節婦東北隅都知府楊戩之妾彭氏經獎

節婦胡蕭都主事銀鏡之妻劉氏經獎

節婦生員隆嘏之妻楊氏經獎

節婦李戩之妻劉氏經獎

節婦郝世傑之妻傅氏經獎

節婦楊時孔之妻銀氏經獎

節婦東關都太學生傅康之妻王氏年二十七夫故遺

孤朝宣甫八月矢志不渝撫孤成立後朝宣子霖震

忻州志

卷三十五

節孝

十五

霈俱登科甲稱三鳳蓋王之遺報云

節婦訓導張世福之妻宿氏經獎

節婦阮密之妻劉氏經獎

節婦張天佑之妻田氏經獎

節婦周珽之妻段氏經獎

節婦東北隅都生員宿應室之妻王氏經獎

節婦王永昇之妻劉氏經獎

節婦王加逢之妻郝氏經獎

節婦張諒之妻羅氏經獎

節婦李宗祿之妻王氏經獎

節婦張滌之妻智氏經獎

節婦豆羅一都寇來觀之妻張氏經獎

節婦智懷讓之妻郝氏經獎

節婦明宗室朱充燎之妻姜氏經獎

節婦東北隅都典膳楊灌之妻檀氏經獎

節婦東北隅都典膳楊希賢之妻彭氏經獎

節婦石大本之妻郭氏經獎

節婦芝郡都李堯天之妻童氏經獎

節婦西南隅都王聚福之妻張氏經獎

節婦義井都常思孔之妻趙氏守節四十餘年經獎

忻州志

卷三十五

節孝

十六

節婦西南隅都劉宜之妻閻氏年十九夫故遺腹生子

乾清誓死不嫁以女工自給居室數椽不蔽風雨夏

秋淋澇戴蓆抱兒中處始終一節人無間言

節婦西南隅都張瀾之妻普氏瀾早卒普養姑孝謹艱

苦百狀志益堅厲訓子弛成立

節婦東北隅都張懷之妻孟氏年二十六而寡哭夫喪

明甘貧植節撫孤景和景玉成立州里賢之

節婦西南隅都王鎧之妻檀氏鎧篤學早卒檀守節無

玷撫遺孤治筮仕爲時名流

節婦豆羅一都杜世珍之妻張氏生子杜江三日世珍

卒張時年十八上無姑舅堅貞撫孤貧苦萬狀孀居
五十年

節婦明宗室朱充煦之妻温氏年十九夫故守節五十
一年

節婦路村一都連芳之妻趙氏年二十四而寡孀居五
十餘年訓子有方

節婦南北都李天秩之妻宿氏年二十九夫故誓不改
適家貧女工自給守節四紀人無間言

節婦東北隅都陳勃之妻周氏年二十四而寡誓不再
適侍奉衰姑撫育幼子內外無間

忻州志

卷三十五

節孝

十七

節婦遼莊都周玠之妻陳氏年二十三而寡無子撫姪
爲嗣守節四十餘年

節婦索石都生員李爭芳之妻劉氏年二十五而寡無
子以姪爲嗣事姑盡孝勤儉自勵辛苦備嘗故業亦
保弗墜課嗣游庠孀居三十餘年

節婦西關都王益隆之妻李氏年二十二而寡子柱三
齡氏藉女紅撫育守節三十餘年

節婦忻口都趙存周之妻武氏年二十四而寡孝養衰
姑備嘗艱苦訓子成家守節四十餘年

節婦芝郡都生員李堯稷之妻崔氏年二十三而寡以

姪李世默爲嗣苦節四十餘年里人稱之

節婦周士忽之妻楊氏夫故守節已旌建坊

國朝

節婦西南隅都劉源深之妻米氏年二十七夫故守節

四十二年康熙十二年請 旌入祠建坊

節婦索石都范璋之妻楊氏年二十三夫故守節五十

年康熙二十八年請 旌入祠建坊

節婦西關都張宿明之妻王氏年二十二夫故守節三

十三年康熙三十九年請 旌入祠建坊

節婦西關都楊是奇之妻張氏年二十八夫故守節四

忻州志

卷三十五

節孝

十八

十七年康熙三十九年請 旌入祠建坊

節婦任方榮之妻李氏方榮商於奉天歷三十八年不

歸氏奉養孀姑婦兼子職後姑歿方榮亦卒於客所

氏無子節孝兼至尤人所難云

節婦張所知之妻戚氏年二十五夫故守節五十一年

節婦吳扳桂之妻陳氏年二十七夫故守節四十四年

節婦孔 之妻周氏年二十九夫故守節五十餘年

節婦東張村趙章之妻馬氏年二十五夫故誓不獨生

姑諭之乃強起侍奉舅姑惟謹歿後喪葬盡禮教子

文昺文晟文畧咸成學者文晟尤憤勵爲學成進士

守節三十四年卒時族黨無不垂淚

節婦部落都楊盛柳之妻董氏年十八夫故中夜飲泣
孝事舅姑遺孤甫二歲教養成立仰事俯育心力俱
瘁守節五十餘年

節婦麻會鎮生員馬斗射之妻史氏年十九夫故遺一
女斗射病劇時欲引刀先刎家人止之斗射歿後茹
荼自甘守節六十三年

節婦西張村生員李植公之妻張氏年二十九夫故時
祖姑孀姑在堂氏竭力奉養姑病告天願以身代撫
孤嗣曾成立爲諸生守節五十餘年

忻州志

卷三十五

節孝

十九

節婦辛興南都史鐔之妻王氏年二十一夫故遺孤希
程甫二歲撫育成立事翁姑以孝聞後子弱冠游庠
未幾卒媳王氏矢志如姑一門之內稱雙節云

節婦永豐鄉陳汝聽之妻陳氏年二十五夫故氏一慟
幾絕剪髮嚼指血投尸上肱爲之動觀者驚異事翁
姑孝謹教二子嶙峋成立相繼游庠守節三十四年
節婦解原都盧瑕之妻胡氏年二十夫故遺孤未匝月
堅苦自勵孝事孀姑守節三十九年

節婦孫董都生員楊弼儒之妻邱氏年二十八夫故閉
戶自經爲家人解救姑苦口慰諭乃止事姑以孝歿

亦盡禮教子克光成立中壬子科舉人

節婦陳文喜之妻焦氏年二十三夫故守節三十一年
節婦部落都生員王維新之妻陳氏夫故子幼哀痛欲
殉翁姑慰之乃止姑得疾不良於行氏手扶數年翁
姑歿喪葬如禮親荷畚鍤見者莫不傷感教子定邦
成立弱冠游庠守節四十年

節婦淤趙都董嘉之妻楊氏年二十一夫故矢志茹苦
家貧賴織紝自給守節五十餘年

節婦逮莊都生員崔璋之妻呂氏年二十三夫故翁姑
欲焚璋書籍氏泣曰姑存之以待穉子每教子則執

忻州志

卷三十五

節孝

二十一

編慟哭子廷輔由是勵學游庠守節三十餘年

節婦部落都楊彪之妻張氏年二十五夫故家徒四壁
上事繼姑下育遺孤守節四十餘年

節婦部落都武生楊彬之妻周氏年二十夫故矢志靡
他事翁姑曲盡孝謹撫孤成立守節四十年

節婦部落都王元弼之妻蔚氏年二十九夫故家貧無
子孝事舅姑守節三十餘年

節婦永豐鄉生員楊在泗之妻胡氏年二十一夫故無
子舅姑繼歿喪葬盡禮守節四十餘年

節婦楊煒之妻趙氏年二十八夫故守節四十餘年

節婦西南隅都生員王師帝之妻朱氏年二十七夫故
事翁姑存歿有禮教三子皆能力學守節三十餘年
節婦奇村都王紹之妻彭氏年二十一紹病危屬氏三
年後嫁氏曰君毋亂命我斷不爲也未幾紹卒無子
氏奉事繼姑撫紹幼弟守節三十餘年

節婦劉宏之妻盧氏年二十四夫故守節三十餘年

節婦石俊之妻劉氏年二十夫故守節三十餘年

節婦部落都陳大貴之妻妾郝氏閻氏郝年二十九閻
年二十二夫故同心矢志寢食不離柩側舅姑歿躅
踴哀慟竭力營葬郝卒年六十九閻呼號欲絕至七

忻州志

卷三十五

節孝

二十一

十九始卒皆無子女尤爲僅見

節婦集賢鄉盧正之妻李氏年二十八夫故遺孤家貧
族黨欲勸氏改適氏闔戶自經家人覺之排闥入解
救復甦後無敢以此相勸者常垢面毀服藉女紅供
菽水教子亦極嚴守節四十五年

節婦索石都生員趙瑒之妻馬氏守節五十餘年

節婦依提都甄維常之妻韓氏守節四十餘年

節婦路村都連湛源之妻范氏守節五十餘年

節婦東北隅都宿九霄之妻楊氏守節六十餘年

節婦西關都盧扳桂之妻岳氏守節四十餘年

節婦東北隅都李雲鵬之妻王氏守節四十餘年

節婦本城張英文之妻王氏守節五十餘年

節婦西南隅都劉名顯之妻王氏守節五十年

節婦胡敏行之妻妾索氏周氏同守節四十餘年

節婦米大惠之妻李氏年二十夫故守節五十餘年

節婦胡蕭都康萬里之妻楊氏守節三十餘年

節婦南北都生員侯定邦之妻王氏守節三十餘年

節婦北遠關葛天清之妻周氏守節四十餘年

節婦周繩殷之妻張氏夫故守節四十餘年孝事翁姑

有遺腹子教育成立乾隆七年請 旌入祠建坊

忻州志

卷三十五

節孝

二十一

節婦白石村貢生盧起用之妻杜氏年二十四夫故守

節五十二年乾隆九年請 旌入祠建坊

節婦東南都焦養初之妻馬氏年二十七夫故守節撫

孤四十五年乾隆九年請 旌入祠建坊

節婦東南都焦清儒之妻楊氏清儒養初次子也氏年

二十二夫故同姑馬氏矢守堅貞終始不渝一時稱

爲雙節云乾隆九年請 旌入祠建坊

節婦北胡村生員趙克功之妻銀氏守節四十七年

節婦生員楊芳聲之妻任氏年二十九夫故守節七十

三年享壽百有二歲康熙五十九年奉

旨建坊貞壽之門

節婦蕭亮之妻沈氏年二十二夫故守節五十餘年

節婦劉自福之妻彭氏年二十一夫故守節四十餘年

節婦郭宏恩之妻張氏年二十四夫故守節六十九年

節婦周自美之妻頡氏年二十五夫故守節三十七年

節婦寇君榮之妻姜氏年二十五夫故守節三十三年

節婦陳有仁之妻盧氏年二十六夫故守節三十八年

節婦何如魁之妻銀氏年十七夫故守節五十七年

節婦趙份之妻牛氏年二十一夫故守節三十餘年

節婦王興和之妻郭氏年二十八夫故守節五十餘年

忻州志

卷三十五

節孝

一十二

節婦西馮城岳鏊之妻王氏年十九夫故遺孤甫周歲

撫育辛勤備嘗艱苦卒至成立守節五十年

節婦田啟元之妻宿氏年二十二夫故守節四十餘年

節婦匡村師宰之妻陳氏年二十八夫故僅遺一女瞽

姑在堂恃女紅奉養無倦守節三十餘年

節婦葛天欽之妻周氏年二十七夫故守節五十餘年

節婦曹九會之妻李氏年二十夫故守節四十餘年

節婦李秉恆之妻胡氏年二十六秉恆客死京師氏卽

絕粒以死相從旣念姑老子幼家貧無依遂灌園爲

生守節五十餘年

節婦張嵩之妻宿氏年十九夫故守節四十餘年

節婦毛有倫之妻阮氏年二十三夫故守節三十餘年

節婦生員周青雲之妻董氏年二十八夫故孝事孀姑

教育三子相繼成名守節五十餘年

節婦周承蔭之妻朱氏明宗室壽庵女也年二十五夫

故遭明季之亂家業傾覆備極艱苦守死不變

節婦下社趙銑之妻姜氏年十九夫故守節四十餘年

節婦趙知止之妻李氏年二十三夫故守節四十年

節婦甄奇常之妻索氏年二十七夫故守節五十餘年

節婦宿雲昭之妻王氏年二十二夫故守節三十餘年

忻州志

卷三十五

節孝

一二十四

節婦南北都李宏聲之妻李氏守節六十二年

節婦焦九鼎之妻李氏夫故守節四十餘年

節婦石家莊段養仲之妻趙氏夫故守節四十年

節婦解原村盧天雲之妻李氏夫故守節四十餘年

節婦索石都趙步雲之妻王氏夫故守節四十五年

節婦張仝之妻常氏年二十四夫故守節四十餘年

節婦董村楊元德之妻王氏年二十夫故守節四十年

節婦西南隅都王立政之妻張氏夫故守節五十六年

節婦監生張德俊之妻妾楊氏李氏夫故七日李生一

子林二人同心撫之早年游庠人稱雙節云

節婦周爾釗之妻李氏年二十五夫故守節五十年

節婦劉從堯之妻胡氏年二十八夫故遺孤丹在襁抱

百方撫育迄於成立守節五十三年

節婦劉丹之妻劉氏年二十夫故丹卽從堯子也遺一

子姑痛子早卒傷悼彌切氏反溫言慰解甘心同節

孝養備至守節三十二年時稱兩世雙節

節婦芝郡都董香之妻盧氏夫故守節四十餘年

節婦東南隅都焦九思之妻張氏夫故守節四十餘年

節婦郭寶星之妻張氏年二十五夫故守節五十餘年

節婦宿明之妻劉氏年二十四夫故守節四十餘年

忻州志

卷三十五

節孝

二十五

節婦李克立之妻張氏夫故守節三十二年

節婦劉恩之妻石氏夫故守節五十一年

節婦王應中之妻張氏夫故守節三十四年

節婦李岑之妻杜氏夫故守節三十九年

節婦焦敏學之妻李氏夫故守節七十年

節婦張文演之妻楊氏年二十四夫故守節五十餘年

節婦南關張作棟之妻宮氏夫故守節四十三年

節婦金山鄉趙唐之妻鍾氏夫故守節三十餘年

節婦張琛之妻趙氏年二十六夫故守節四十年

節婦孫宏婁之妻張氏年二十二夫故守節四十餘年

節婦賈鐸之妻王氏年二十六夫故守節三十餘年

節婦生員劉浩福之妻焦氏年十六夫故守節五十年

節婦東呼延村蘇映陽之妻張氏年二十二夫故姑病

子幼竭力養育比姑歿既葬哀痛而絕年五十三守

節三十一年

節婦拔貢史超之妻焦氏夫故守節 旌表建坊

節婦蔚楠齡之妻盧氏夫故守節 旌表建坊

節婦王化行之妻趙氏夫故守節 旌表建坊

節婦郭曹三之妻張氏夫故守節 旌表建坊

節婦監生張際泰之妻米氏夫故守節 旌表建坊

忻州志

卷三十五

節孝

二十六

節婦張億極之妻王氏夫故守節已 旌建坊

節婦盧岨之妻連氏夫故守節已 旌

節婦銀響清之妻趙氏夫故守節已 旌

